



Broj: 22-04-44-1-362/18
Sarajevo, 29.12.2018. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i članom 24. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 8/07) dostavljamo Vam:

REDOVNI IZVJEŠTAJ
za period od 07:00 sati 28.12.2018. do 07:00 sati 29.12.2018. godine

U izvještajnom periodu Kantonalni operativni centar civilne zaštite Kantona Sarajevo primio je jednu informaciju o pronalasku NUS-a i to: dana 28.12.2018. godine u 14:45 sati od strane građana, obavješteni smo da je na lokalitetu između Hadžića i Lokvi općina Hadžići pronađena jedna tromblonska mina. O primljenoj informaciji obaviješteni su pripadnici Tima za UES Federalne uprave civilne zaštite, koji su navedeni NUS uklonili tokom jučerašnjeg dana.

Profesionalna vatrogasna jedinica Kantonalne uprave civilne zaštite Kantona Sarajevo:
U izvještajnom periodu pripadnici Profesionalne vatrogasne jedinice imali su četiri manje intervencije i to: jednu na gašenju zapaljenog smeća u kontejnerima, jednu na gašenju dimnjaka, jednu na gašenju el. instalacija i jednu tehničku (otvaranje vrata stana).

Iz općinskih operativnih centara civilne zaštite i s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.



KJKP Sarajevogas: Svi potrošači u Kantonu Sarajevo su uredno snadbjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila -2°C, vlažnost zraka 98%, barometarski pritisak 954,6 hPa.

BIHAMK: Saobraćaj se na području Kantonu Sarajevo odvija uredno, Gusta magla ovoga jutra smanjuje vidljivost u kotlinama i uz riječne tokove, pa pozivamo na pojačan oprez. Izdvajamo puteve u dolini rijeke Bosne.

- Zbog održavanja koncerta grupe Bijelo Dugme na Bjelašnici (lokalitet Babin do u 14 sati) uspostavlja se izmijenjen režim saobraćaja i to tako da će se saobraćaj odvijati jednosmjerno na relaciji Grkarice–Babin do-kružni tok kod hotela "Maršal"-novosagrađena saobraćajnica, sa spojem regionalnog puta prema Dejčićima. Očekuje se veliki priliv građana na spomenuto područje, te su moguće gužve u saobraćaju. Iz MUP-a KS pozivaju građane, koji namjeravaju prisustvovati koncertu, da koriste sredstva javnog prevoza, kao i da poštuju upute policijskih službenika na licu mjesta. Zbog održavanja novogodišnjih koncerata u ulici Maršala Tita („Vječna vatra“) bit će izmijenjen režim saobraćanja u periodu od 28.12.2018. godine do 02.01.2019. god.

Dana 28.12. od 20 sati do 31.12. do 16 sati i dana 01.01.2019.god. od 06 do 16 sati zabranit će se saobraćaj u ulici Mula Mustafe Bašeskije (od raskrsnice sa ulicom Niže Banje do spoja sa ulicom MaršalaTita) u lijevoj saobraćajnoj traci, dok desna (žuta) traka ostaje slobodna za saobraćaj i u ulici Maršala Tita (od spoja sa ulicom Mula Mustafe Bašeskije do raskrsnice sa ulicom Dalmatinska) u dvije saobraćajne trake (krajnja lijeva i srednja traka), dok desna saobraćajna traka (žuta traka) ostaje slobodna za saobraćaj.

Dana 31.12. od 16 sati do 01.01.2019. god. do 06 sati, kao i 01.01.2019.god. od 16 sati do 02.01.2019. god. do 08 sati zabranit će se saobraćaj:

- u ulici M.M. Bašeskije (od spoja sa ulicom Niže Banje do spoja sa ulicom M.Tita);
- u ulici Maršala Tita (od spoja sa ulicom M.M. Bašeskije do raskrsnice sa ulicom Koševo) i
- u ulici Radićeva (od raskrsnice sa ulicom Branilaca Sarajeva do raskrsnice sa ulicom M. Tita.

Za vrijeme ovih obustava u funkciji će biti alternativni pravci.

Prema informacijama prikupljenih od dežurnih dispečera i informativnih službi **KJKP GRAS, Centrottrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
DEŽURNI OPERATIVAC
Salko Zaimović

Dostavljeno:

- Direktor KUCZ Kantona Sarajevo
- F OC
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1